

Դրամաշնորհային հաշվետվություն N 2

1. Ընդհանուր տեղեկատվություն

Ծրագրի անվանում	Տարեցների և (կամ) հաշմանդամություն ունեցող անձանց տնային պայմաններում խնամքի ծառայություններ
Դրամաշնորհի N	1032-11002/24 ԼՍ
Դրամաշնորհատու կազմակերպություն	ՀՀ աշխատանքի և սոցիալական հարցերի նախարարություն
Դրամաշնորհառու կազմակերպություն	Հայկական Կարմիր Խաչի Ընկերություն
Ծրագրի իրականացման ժամանակահատված	03.01.2024-31.12.2024
Հաշվետու ժամանակահատված	01.04.2024- 30.06.2024
Ներկայացման օր	10.07.2024
Հաշվետվության պատասխանատու (անուն, ազգանուն, պաշտոն)	Կարինե Կուրդինյան Ծրագրի համակարգող

2. Բովանդակային հաշվետվություն

2.1 Խնդրում ենք թվարկել աշխատանքային պլանով և պայմանագրի թիվ 1 հավելվածով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

Հայկական Կարմիր խաչի ընկերությունը Լոռու մարզի Սպիտակ և Վանաձոր համայնքներում շարունակել է տնային խնամքի ծառայության մատուցումը պետական դրամաշնորհի շրջանակներում: Հաշվետու եռամսյակի ընթացքում, ցավոք, ծանր հիվանդության պատճառով երկու շահառուներ են մահացել, ովքեր փոխարինվել են նոր ընդգրկվող շահառուներով: Աշխատակազմը, կատարելով նոր շահառուների կարիքների գնահատում, ՄՄԾ Վանաձորի տարածքային կենտրոն է ներկայացրել 2 շահառուի անհրաժեշտ փաստաթղթերի փաթեթ (դիմում հայտ, քաղվածք ամբուլատոր բժշկական քարտից և այլ)՝ ՀԿԽԸ «Տարեցների և հաշմանդամություն ունեցող անձանց տնային պայմաններում խնամքի ծառայություններ» ծրագրում ներառվելու համար: Շահառուներ ի վիճակի չեն ինքնուրույն տեղափոխվելու և նրանց համար այդ ամենը կազմակերպվել է ՀԿԽԸ Լոռու ՄՄ բուժքույրերի կողմից լիազորագրերով:

Հաշվետու եռամսյակում սպասարկվել է 27 շահառու, որից 12-ը Սպիտակ համայնքում, 15-ը Վանաձոր համայնքում: Ամսական 25 փաստացի խնամք ստացող բոլոր շահառուները ունեն ուղեգրեր:

Խնամքի անձնակազմը համալրված է, հաշվետու եռամսյակի ընթացքում նոր սոցիալական աշխատող է միացել թիմին, ում մասնագիտական հմտությունների շնորհիվ կընդլայնվի մարզում տարեցների հետ աշխատող կառույցների համագործակցությունը, կիրականացվեն նոր նախաձեռնություններ, որոնց կմասնակցեն նաև տնային խնամքի ծառայության մեջ ընդգրկված խնամառուները: Յուրաքանչյուր սպասարկվող շահառուի համար կազմվել է անհատական խնամքի պլան՝ ելնելով վերջինիս կարիքների առանձնահատկություններից, որի համաձայն էլ իրականացվել է խնամքի տրամադրումը:

Խնամքի տրամադրման գործողությունների և տրամադրված խնամքի պարագաների վերաբերյալ կատարվել են համապատասխան գրառումներ խնամառուների դիմամիկ հսկողության թերթիկներում, ինչպես նաև խանամառուի անձնական թղթապանակում:

Ըստ սահմանված աշխատանքային պլանի, իրականացվել է՝

- սոցիալ-առողջապահական խնամքի տրամադրում, ներառյալ խնամքի պարագաների տրամադրում,
- կենցաղային օգնություն և սպասարկում,
- կամավորների այցելություններ,
- սոցիալական աշխատողի այցելություն, գնահատում, ուղղորդում,
- հոգեբանի խորհրդատվություն,
- մշակութային միջոցառումների կազմակերպում,
- մոնիտորինգային աշխատանքներ:

Հաշվետու ժամանակահատվածում ՀԿԽԸ Լոռու մարզային մասնաճյուղի բուժքույրի և գրասենյակի տնօրենի մասնակցությամբ կատարվել են մոնիթորինգային այցեր ծրագրի բոլոր շահառուներին՝ խնամքի որակի և սպասարկող անձնակազմի կատարած աշխատանքների վերահսկողության, ինչպես նաև շահառուների կարծիքները և առաջարկությունները լսելու նպատակով:

Մշտապես համագործակցության մեջ ենք եղել ՄՄԾ Վանաձորի ՏԿ տնօրենի և մասնագետների հետ՝ քննարկելով կարիքի գնահատում անցած առանձին դեպքեր, տեղեկանալով ուղեգրումների կամ մերժումների մասին:

Իրականացվել է 10 անհատական դեպքի վարում կապված ՄՄԾ-ից օրթոպեդիկ կոշիկ, գուգարան- աթոռ, սայլակ, ականջի լսողական սարք, հակապառկելախոցային ներքնակ ստանալու համար փաստաթղթերի ներկայացման հետ, պոլիկլինիկայի թերապևտների և նեղ մասնագետների տունայցի կազմակերպման հետ, նպաստի վերականգնման և փաստագրման հարցերի հետ: Շահառուների համար սոցիալական միջոցառումների շրջանակներում կազմակերպվեցինք նրանց այցը Վանաձորի «Արցախ» պուրակ, որտեղ նաև ցուցադրվում էր նկարչուհի Ալլա Գրիգորյանի բացօթյա ցուցահանդեսը: Շահառուները շրջեցին և դիտեցին նկարչուհու 30-ից ավելի գործեր, շփվեցին թե նկարչուհու և թե այլ վանաձորցի մտավորականների հետ:

Շահառուները անհրաժեշտության դեպքում հեռախոսային կապով ահազանգում են իրենց խնդիրների մասին, որոնց արագ արձագանքում է խնամքի անձնակազմը, անհրաժեշտության դեպքում ներգրավելով գործընկերների, կատարելով համապատասխան ուղղորդումներ:

Բացի պլանավորված այցելություններից, պարբերաբար հեռախոսակապի միջոցով ծրագրի աշխատակիցները փորձել են իրազեկ լինել շահառուների վիճակի մասին և արձագանքել՝ ըստ անհրաժեշտության: Շարունակական են նաև կամավորների կողմից կատարվող այցերը և աջակցության տրամադրումը վերջիններիս համար գնումների կազմակերպման, գրույցի, զբոսանքի, ընթերցանության և այլ հարցերում: 2024 թ.-ի երկրորդ եռամսյակի ընթացքում տնային խնամքի ծառայության շրջանակներում սպասարկվել է ընդհանուր թվով 27 շահառու:

2.2 Խնդրում ենք նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների , նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

Հաշվետու ժամանակահատվածում, ըստ սահմանված աշխատանքային պլանի, իրականացվել են հետևյալ միջոցառումները.

- Սոցիալ-առողջապահական խնամքի տրամադրում՝ խնամքը տրամադրվել է խնամք իրականացնող անձնակազմի՝ բուժքույրերի միջոցով կարիքների գնահատման և անհատական խնամքի պլանի հիման վրա: Այն ներառել է բժշկի նշանակմամբ դեղերի և բժշկական նշանակության նյութերի ստացման գործում աջակցություն, վերքերի մշակում, զարկերակային ճնշման որոշում, արյան մեջ գլյուկոզայի քանակի վերահսկում, ուղղորդում բժշկական հաստատություն հետազոտման և այլն: Կարիքի դեպքում, խնամքին զուգահեռ խնամառուները ապահովվել են նաև խնամքի միջոցներով:

- Տնային խնամողների կողմից կենցաղային օգնություն և սպասարկում է տրամադրվել շահառուներին, մասնավորապես անձնական հիգիենայի պահպանում, տան մաքրում, սննդի պատրաստում, կերակրում, լվացք և կենցաղային մի շարք այլ գործառնություններ՝ կարիքների գնահատման և անհատական խնամքի պլանի հիման վրա: Ծառայությունը տրամադրվել է տնային խնամողների կողմից:

- Կամավորների այցելություններ, ներառյալ ընկերակցում, զրույց, ընթերցանություն, գնումների իրականացում, աջակցություն մանր կենցաղային հարցերում, այլ՝ կարիքների գնահատման և անհատական խնամքի պլանի հիման վրա: Կամավորների գործունեությունը նպաստում է նաև շահառուների սոցիալիզացիային:

- Սոցիալական աշխատողն իրականացրել է խորհրդատվության տրամադրում, գնահատում, ուղղորդում՝ տարածքային ՄՄԾ մասնագետների հետ սերտ համագործակցությամբ, կազմակերպել է երկու միջոցառում՝ ընդգրկելով ծրագրում ներառված շահառուներին:

- Շահառուների առողջական վիճակի արդյունավետ վերահսկողության համար ավագ բուժքույրը և խնամքի բուժքույրերը մշտական կապի մեջ են եղել տեղամասային բժիշկների հետ: Անհրաժեշտության դեպքում կազմակերպվել են բժիշկների տնային այցեր:

- ՀԿԽԸ Լոռու մարզային մասնաճյուղի պատասխանատուն և ծրագրի համակարգողը իրականացրել են մոնիտորինգային աշխատանքներ՝ այցելելով սպասարկվող շահառուների տներ՝ գնահատելու մատուցվող ծառայությունների որակը:

- ՀԿԽԸ Վանաձորի մարզային մասնաճյուղը կազմակերպեց տնային խնամքի խնամառուների այցը Վանաձորի "Արցախ" պուրակ, որտեղ մեր տարեցները մասնակցեցին նկարչուհի Ալլա Գրիգորյանի բացօթյա ցուցահանդեսին: Վերջինս նաև ակտիվ անդամակցում է ՀԿԽԸ կողմից համակարգվող "ակտիվ երկարակեցության" խմբերի աշխատանքներին:

Հայկական Կարմիր խաչի ընկերությունը անդամակցում է տարեցների հարցերով միջգերատեսչական հանձնաժողովին, Տարեցների պաշտպանության ցանցին, որի հերթական հանդիպումը տեղի կունենա 2024 թվականի հուլիսի 15-ին, Հայկական Կարմիր խաչի ընկերության գրասենյակում:

Խնդրում ենք նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն)

Հաշվետու ժամանակահատվածում իրականացված միջոցառումների լուսաբանման հղումը՝ <https://www.instagram.com/reel/C9Poi4msnhf/?igsh=dGRodnN3NjMxNWc0>

Կից ներկայացված են հաշվետու եռամսյակի ընթացքում կազմակերպված միջոցառումներից նկարներ:





2.3 Խնդրում ենք ներկայացնել հաշվետու ժամանակահատվածում քաղաքի ղեկավարի և/կամ ծագած խնդիրները, որոնք խոչընդոտել են ծրագրի գործողությունների իրականացմանը:

Ծրագրի իրականացման ընթացքում խնդիրներ չեն առաջացել:

2.4 Խնդրում ենք թվարկել հաջորդ հաշվետու ժամանակահատվածի համար նախատեսված գործողությունները (կցելով նաև շահառուների ցուցակը):

Հայկական կարմիր խաչի ընկերությունը շարունակելու է Լոռու մարզի Մալիտակ և Վանաձոր համայնքներում իրականացնել տնային խնամքի ծառայությունը, շահառուների թվի նվազեցման դեպքում կատարվելու է նոր շահառուների հայտնաբերում և ուղղորդում միասնական սոցիալական ծառայություն: Ամառվա ամիսների ընթացքում նախատեսվում է ավելի հաճախ կազմակերպել շահառուների մասնակցությունը տարատեսակ միջոցառումների, հասակակիցների և ավելի երիտասարդների հետ շփման նոր հնարավորություններ

ստեղծել: Խնամքի ծառայությունը իրականացվելու է նույն մեթոդաբանությամբ՝ նպաստելով տարեցների կյանքի որակի բարելավմանը:

2.5 Խնդրում ենք նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

Հաշվետու ժամանակահատվածում նման գործողություններ չեն իրականացվել: